



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 37. Leges contra Sedem Apostolicam latæ, in Angliæ revocatæ.

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

§. XXXVI.

Sæcul. XVI.

A.C. 1554.

*Anglorum legatio Romam ad summum
Pontificem.*

Paulo post ampla, & honorifica legatio ad Pontificem decreta est, ob iitque hoc munus Eliensis Episcopus, Montis acuti Vice- Comes, & Eduardus Carneus Jurisconsultus, qui Reginæ Mariæ, & Philippi Regis ejus Mariti, totiusque regni nomine obedientiam Sedi Romanæ, & Summo Pontifici præstarent. Jamjam Angliæ Regnum a principio schismatis per Henricum VIII. conflati viginti omnino annis ab Ecclesiæ unione erat segregatum, mox vero, ac reconciliationis factæ fama Romæ increbuerat, illico in gratiarum actionem solemnies decernebantur supplicationes, ac ipsemet summus Pontifex re divina peracta eodem anno per universum Orbem Anni Sacri solemnitatem promulgari præcepit.

§. XXXVII.

*Leges contra Sedem Apostolicam latæ,
in Anglia revocatæ.*

Ceterum reliqua anni pars potissimum in eo impendebatur, ut ad restau- randam Christi fidem necessaria adhiberentur media, Virique probitate insignes antea proscripti ex suis exiliis revo-

Burnet l. c.

Sander.

p. 228.

Sæcul. XVI. revocarentur, atque novæ sectæ fau-
A.C. 1554. tores ejicerentur. Eodem tempore præ-
cipiebatur, ut omnes leges adversus
veram Religionem, Sedisque Aposto-
licæ auctoritatem hucusque conditæ
abrogarentur. Porro abolitis hisce sta-
tutis per viginti omnino annos inva-
lescentibus, Senatus postulabat, ut ad
evitandas altercationes, ac tumultus,
sequentes de Pontificis auctoritate ar-
ticuli ipsius Legati opera stabilirentur.
I. Episcopatus, necnon Ecclesiæ tam
Cathdrales, quam Collegiatæ in eo-
dem, quo tum versabantur, statu re-
maneant II. Connubia, quæ in gra-
dibus non per legem Divinam, sed
duntaxat per Canones prohibitis fue-
runt contracta, censeantur valida, ac
legitima III. Beneficiorum collationes
schismatis tempore factæ confirmentur.
IV. Judicii acta in Curiis pronuntiata
integre in suo robore permaneant.
V. Bonorum Ecclesiasticorum alienatio-
nes ratæ habeantur, eorumque posses-
sores nulli censuræ subjiciantur, nec
propterea ullo pacto molestia eis in-
feratur. Cunctos hosce articulos Le-
gatus confirmabat, ac Pontificis no-
mine permittebat, ut Laici Ecclesi-
rum bona Monasteriis durante schis-
mate ablata possidere valerent. Atta-
men omnes, qui hujusmodi bona ini-
que

que possidebant, gravibus verbis ad- **Sæc. XVI.**
 monebat, ut eorum, qui in Scriptu- **A.C. 1554.**
 ris sacris de hoc genere sacrilegii no-
 tantur, metuant exitium ac severissima
 Dei omnipotentis in tales judicia per-
 pendant, licet Ecclesia suum jus se-
 cundum Canones ob temporum ini-
 quitatem non prosequatur: insuper in
 eodem scripto cum omnibus intra gra-
 dus ab Ecclesia prohibitos conjugatis
 siebat dispensatio, nec minus declara-
 batur, quod matrimonium, & proles
 sint legitimæ, necnon Episcopi omnes,
 qui religione essent catholici, in prio-
 ri schismate facti, ipsique novi Episco-
 patus, quorum sex Henricus tempore
 schismatis erexerat, confirmantur.
 Cuncta hæc Regii Senatus auctoritate
 fuerunt confirmata.

§. XXXVIII.

*Senatus edicta pro Philippo, &
 contra Hæreticos.*

Absoluto reconciliationis negotio uni- **Burnet t. 2.**
 versum Regnum Sedis Apostolicæ **t. 2, p. 443.**
 obsequio sese penitus devoverat, ex-
 ceptis quibusdam malevolis, qui hæ-
 reticis doctrinis assueti nomen, aucto-
 ritatemque Pontificis abhorrebat. Ni-
 hilominus Senatus edictum promul-
 gabat, vi cuius leges a Richardo II,
 Henrico IV. & V. contra hæreticos con-
 ditæ